



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De subtractione consolationis diuinæ, quam virgo incurrebat, ob tristitiam
neptis defunctæ. X

[urn:nbn:de:hbz:466:1-45790](#)

2. Quadam namque nocte in excessu mentis posita, videbat solemnem processionem ciuium supernorum, in qua distinctis ordinibus singuli procedebant; scilicet, patriarchæ simul, prophætæ simul, apostoli cum apostolis: sed & martyres, confessores, atque virgines, sacerdotes & clerici, singuli in ordine & dignitate status sui fulgebant. Procedebant autem de ecclesia ciuitatis Schiedamenis, præcedentibus more solito crucibus, luminaribus sole clarius nicanibus veniebantque ad ostium domus suæ, de qua funus tollentes ad ecclesiam illud deferebant. Ipsa autem virgo funus sequebatur datis sibi coronis, quarum vnam in capite gestabat, reliquas singulas in singulis manibus tenebat. Ad se igitur reuersa, suspicabatur quod mors ipsius hac visione prælignaretur: finaliter tamen dicebat, quod mortem neptis suæ Petronillæ designabat.

3. Quapropter virgo Christi solicita de obitu neptis suæ, rogabat instanter Dominum, ut febres suas ita ordinaret, ut Petronilla ante exitum suum pro consolatione eius loqui posset, quia plurimum sincero amore diligebat. Cuius preces & gemitus Dominus exaudiens ac morituræ misertus, præuenit tempora febrium quotidianarum per spatium ferè sex horarum, non sine admiratione multorum assistentium. Sicque temperato calore febrili, recepit facultatem alloquendi & consolandi Petronillam, in breui ex hujus seculi luctu ad Christum migraturam. Accepta itaque consolatione diuina à virgine sancta, virgo Petronilla in angustiis saepius probata, sicut fuit socia tribulationis cum Lidia passa in vita, ita & particeps cōsolationis meruit esse in morte sua. Igitur post visionem prius ostensam, & consolationem à charissima mater tera gratanter acceptam, obiit deuota virgo Christi Petronilla, cœlestē aulam intratura, anno Domini millesimo quadragesimo vigesimo sexto, decimonoно Kalendas Februarij, ipso die S. Pontiani martyris.

C A P V T X.

*De subtractione consolationis diuina, quam virgo incurrebat,
ob tristitiam neptis defunctæ.*

1. Post mortem igitur castissimæ turritis virginis Petronillæ, ipsa sancta virgo Lideuuigis, tam fidelis & pernecessariae adiutricis societate priuata, in perniciosem incidit tristitia: nimis dolens super destitutione cordialissime dilectionis suæ Petronillæ; cum qua mutua charitate deuincta, inuiolabilis castimoniae fœdera conseruabat. Nam vicissim in Christi amore se diligentes, ita connexæ erant & pacifice viuebant, ut sine graui merore

mōrere ab inuicem separari non possent. Quæ quidem affectuosa connexio, metam discretionis excedens, etiam Domino tantum displicuit, quod in vindictam ineptæ tristitiae, virgo lugubris diuina consolatione usque ad festum Visitationis B. Mariæ virginis carebat.

2. Flebat igitur amarissimè, non solù de morte neptis amissæ, sed amplius super priuatione solitæ gratiæ, ob immoderatam tristitiam sibi subtractæ. Percunctantibus ergo causam istarum lachrymarum, ita respondit amicis: Cur non flerem, charissimi? Eccé iam proximis vndecim annis nihil à Domino petui, quin facile impetrare potui: sed nunc tanto tempore suspensa, nullam prorsus consolationem accipio, occulto & recto Dei iudicio in me dignè concitatæ. O terribilis & inuestigabilis dispensatio diuina, in consiliis super filios hominum: qui conuertit mare in aridam, & flores rosarum in absynthium: & de dextera ponit ad sinistram, humilians sublimem usque ad terram. Si igitur Dominus tam strenue dilectam sibi virginem affixit, quia intentiū fidelis neptis presentiam ablatam deplanxit: quā grauiter puniendi sunt, qui carnales amicos & sodales seculares inaniter plangunt?

3. Verumtamen Pater misericordiarū & Deus totius consolationis, non est oblitus lachrymarum famulæ suæ, quam ab æterno elegit: sed post amarissimam tristitiam, reddidit ei dulcissimam spiritus sancti consolationem, præteritis temporibus saepius expertam. Igitur virgo ad tempus desolata & paternè castigata, circa festum Visitationis beatæ Mariae Virginis, mirifica & superabundantem diuinæ gratiæ consolationem recepit. Per nouem aut decē ferè dies, in continua contemplatione & diuinorum degustatione ac mentis iubilatione perdurans, tanta que dulcedine extitit perfusa interius, ut ad eam ingredientes mirarentur, & sentirent odorem suauissimi spiraminis exterius.

4. Quærentibus ergo multis, unde odor tantæ suavitatis procederet? Ipsa cupiens potius ex humilitate silere, quam abdita prodere: tandem deuicta importunis eorū precibus, (quia Dominus manifestis indicijs hoc foris innotuit) gratiā tam inæstimabilis odoris, de cœlestibus apothecis venire respondit. Quā sicut solito more prius meruit, ita & pro nunc denuo visitata lecum reportauit. Simili modo ante paucos annos, defuncto fratre suo Wilhelmo Petri, in magnam tristitiam incidit: & intantum ex dolore obstupuit, ut diceret se haec tenus nescisse, quod adhuc ita humana fuisset. Quapropter etiam multo tempore, solita carebat almonia contemplationis diuinæ, sicut cuidam deuoto solitario in partibus Ægypti reuelatum fuit: qui eius consilio

consilio eremum constanter intravit. De cuius sancta conuersatione bene incepta & optimè consummata, in sequenti capite subinfertur, quod letanter audiatur.

C A P V T X I.

*De deuoto iuuenie Gerardo eremita facto, & peregrinis
eum visitantibus.*

1. Erat quidam iuuenis Gerardus nomine, ex diocesi Coloniensi oriundus, solitarię vitę desiderio stimulatus. Hic audita fama huius sanctae virginis, proposuit ad eam primò venire, ut ei praesens votum suum exponeret; atque iter arduum, quod ingressurus erat, precibus eius commendaret. Quatenus diuina gratia opitulante propositum quod mente conceperat, salubri persecuerantia terminaret. Qui ad eam veniens, cordis sui secreta ei intimauit. Illa vero proposito eius pię congaudens, propheticō spiritu prädicebat, quod primò triduo ingressioris sue in eremum penuriam pateretur. Ac deinde ad constantiam eum exhortans, post finem diei tertiarę, refectionem à Deo esset precepturus. Quod quidem postmodum ita seriatim contigit. Nam tertia die aduersa sc̄ente, manna cælestie accepit, Deo laboriosæ semitæ eius miserante. Prædictus autem sibi à virginne tres dies ita constanter peregit, quod paratus erat eos propter promissionem illius, etiam cum periculo vitæ persulcare. Post mutuam igitur collationem, & in precibus recommendationem, ac fraternalę charitatis obligationem, nouus tyrunculus novi certaminis bella congressurus, egressus est à conspectu virginis sagaciter instructus, patriam suam & cognatos vtrā nunquam reuisurus.

2. Peragritis ergo partibus superioribus, ingreditur superiorem Ægyptū; cuius deserta penetrans, inuenit cellulam, propter lupos & feratā rabiem in arbore sitam. Adduxerat autē secum duos socios, eiusdem eremiticæ conuersationis gratia tactos, qui paucis diebus ibi peractis, heu ad pristina redierunt. Sed Gerardus in arrepto proposito constantissimè perdurans, Christo duce ad contemplationum culmina ascendit. Igitur in hac vasta solitudine, decem & septem ferè annis completis, accidit interea, ut quidam Episcopus de partibus Angliæ cum duobus sociis, ad visitandū loca terræ sanctæ perueniret: ac deinde ad visendum reliquias sanctæ Catharinæ virginis & martyris in monte Sinai, cum eis perrexit. Qui simili deuotione combinati, rememorantes Sanctorum Patrum in Ægypto conuersationem, terrā illam ingressi sunt; ut quærerent, si forte aliquos eremitariz vitæ patres inuenirent. Cumq; hiac inde oberrantes,

vñque